

STATUTI I SHOQERISE TREGETARE ME PERGJEGJESI TE KUFIZUAR

"KUTIA" SH.P.K.

KREU I

DISPOZITA TE PERGJITHSHME

NENI 1

Në bazë të ligjit nr.9723, datë 03.05.2007 " Për Qendrën Kombëtare të Regjistrimit" dhe ligjit nr.9901 datë 14.04.2008 "Për Tregëtarët dhe Shoqëritë Trgetare", me vullnetin e tyre të lirë, ortaket:

1. Arianit Fazliu - Prishtinë, K.e Diellit Rr.3 L.31/9; Kosove, pjesa në pronësi 50,000.00 leke.
2. Faton Selishta - Gjilan, Iliria 4 L.B/1, Kosove; pjesa në pronësi 50,000.00 leke.

si themelues të kësaj Shoqërie me Përgjegjësi të kufizuar, vendosën të hartojnë këtë Statut, mbështetur në parimet e mëposhtëme:

KREU II

EMRI, STATUTI, SELIA, KOHEZGJATJA

NENI 2

Formohet shoqëria tregëtare e emërtuar "KUTIA" sh.p.k. dhe me emërtimin e shkurtuar "KUTIA"sh.p.k.

NENI 3

Shoqëria do të ketë statusin e një shoqërie me përgjegjësi të kufizuar dhe do të përballojnë humbjet deri në pjesën e pashlyer të kontributeve të tyre të nëshkruara për kapitalin.Përgjegjësia e ortakëve është deri në kontributin e tyre në kapitalin themeltar;

NENI 4

Seli e Shoqerise "KUTIA" SH.P.K do te jetë ne Tirane, ne adresen: Rr.Ali Visha, P.69/1, H.25, Tirane, Shqiperi. Me miratim te organeve të saj kompetente ajo mund të ndryshojë selinë. Mund të hapë degë, filiale, përfaqësi dhe agjenci operative në të gjithë territorin e R.SH apo jashtë saj.

NENI 5

Shoqëria do të ketë kohëzgjatjen e veprimtarisë së saj me një afat të pa caktuar.

KREU III

O B J E K T I

NENI 6

Objekti i veprimtarisë së shoqërisë është:

Publikimi i softuerëve të tjerë

Përpunimi i të dhënave, hostimi i informacionit dhe aktivitetet e lidhura me to

Kërkime dhe zhvillime të tjera eksperimentale në shkencat natyrore dhe inxhinieri

Hulumtimi i tregut dhe matja e opinionit publik (sondazhet)

Aktivitetet e këshillimit për biznes dhe këshillat e tjera për manaxhim

KAPITALI

NENI 7

Kapitali themeltar i shoqërisë është 100,000 lek dhe përbëhet nga 2 (dy) kuota nga 50,000 Lekë secila me kontributet e ortakëve si me poshtë:

Emri	Perqindja %	Kuota (pjesë)	Shuma e kapitalit
Arianit Fazliu	50 %	1	50,000
Faton Selishta	50 %	1	50,000

Kapitali themeltar është tërësisht në para. Të gjitha kuotat e kapitalit themeltar janë nënshkruar dhe shlyer krejtësisht nga ortakët themelues.

Kapitali i shoqërisë mund të zmadhohet ose të zvogëlohet sipas vendimeve të asamblesë së ortakëve, por asnjëherë nuk mund të zvogëlohet nën minimumin ligjor.

NENI 8

KUOTAT E KAPITALIT

Kuota e kapitalit të shoqërisë mund të zotërohet nga një ose më shumë persona.

Në rastin kur një kuotë e kapitalit të shoqërisë zotërohet nga më shumë se një person, në marrëdhënie me shoqërinë këta persona trajtohen si një ortak dhe të drejtat e tyre ushtrohen, nëpërmjet një përfaqësuesi të përbashkët. Këta persona përgjigjen personalisht dhe në mënyrë solidare për detyrimet që lindin nga zotërimi i kuotës.

Veprimet e shoqërisë ndaj kuotës së zotëruar nga më shumë se një person krijojnë pasoja ndaj të gjithë zotëruesve të saj edhe nëse veprimi i shoqërisë i drejtohet vetëm njërit prej zotëruesve.

Shoqëria mund të lëshojë një certifikatë për të vërtetuar zotërimin e kuotës së kapitalit. Kjo certifikatë lëshohet në emër të personit apo të personave, që zotërojnë kuotën dhe nuk përbën letër me vlerë.

NENI 9

MËNYRAT E FITIMIT DHE KALIMIT TË KUOTAVE

Kuotat e kapitalit të shoqërisë e të drejtat që rrjedhin prej tyre mund të fitohen apo kalohen nëpërmjet:

- a) kontributit në kapitalin e shoqërisë;
- b) shitblerjes;
- c) trashëgimisë;
- ç) dhurimit;
- d) çdo mënyrë tjetër të parashikuar me ligj.

Ortakët mund t'u shesin të tretëve kuotat e tyre të kapitalit pjesërisht ose tërësisht, por pasi tua kenë ofruar për blerje ortakevë brenda shoqërisë me kushte jo më pak të favorshme nga ato që do j'u ofrohen të tretëve. Oferta u komunikohet me shkrim ortakëve të cilët kanë të drejtën e parablerjes, e drejtë të cilën duhet ta ushtrojnë brenda 30 ditëve nga data e komunikimit në të kundërt oferta konsiderohet e refuzuar prej ortakëve që gëzojnë këtë të drejtë.

Personi që kalon kuotën dhe ai që e fiton atë përgjigjen në mënyrë solidare ndaj shoqërisë për detyrimet që rrjedhin nga zotërimi i kuotës, nga çasti i kalimit të kuotave, deri në çastin e regjistrimit të kalimit në QKR.

Kuotat janë të papjestueshme.

Çdo kuotë jep të drejtën e një vote.

KREU IV

ORGANET E SHOQËRISË

NENI 10

Organet drejtuese të shoqërisë janë :

- Asambleja e përgjithshme
- Administratori

Fusha e veprimit, përbërja dhe mënyra e funksionimit të organeve drejtuese rregullohet si më poshtë.

ASAMBLEJA E PËRGJITHSHME

NENI 11

KOMPETENCAT

Asambleja e Përgjithshme është përgjegjëse për marrjen e vendimeve të çështjeve të mëposhtëme:

- a) përcaktimin e politikave tregtare të shoqërisë;
- b) ndryshimet e statutit;
- c) emërimin e shkarkimin e administratorit;
- ç) emërimin e shkarkimin i likuiduesve dhe të ekspertëve kontabël të autorizuar;
- d) përcaktimin e shpërblimeve për personat e përmendur në shkronjat "c" dhe "ç" të këtij neni;
- dh) mbikëqyrjen e zbatimit të politikave tregtare nga administratori, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
- e) miratimin e pasqyrave financiare vjetore dhe të raporteve të ecurisë së veprimtarisë;
- ë) zmadhimin dhe zvogëlimin e kapitalit;
- f) përfaqësimin e shoqërisë në gjykatë dhe në procedimet e tjera ndaj administratorëve;
- g) riorganizimin dhe prishjen e shoqërisë;
- gj) miratimin e rregullave procedurale të mbledhjeve të asamblesë;
- h) të kryejë detyra të tjera të parashikuara nga ligji.

NENI 12

MBLEDHJA E ASAMBLESË

Asambleja e përgjithshme është organi më i lartë vendimor. Ajo mbledhet sa herë që është e nevojshme për të mbrojtur interesat e shoqërisë si dhe për të gjitha rastet e parashikuara në nenin 82 të ligjit Nr.9901, datë 14.04.2008 për "Tregëtarët dhe Shoqëritë Tregëtare". Asambleja e përgjithshme thirret nga administratori ose ortatakët. Mbledhja e zakonshme e asamblesë së përgjithëshme thirret të paktën një herë në vit.

NENI 13
THIRJA DHE VENDIMARRJA NË ASAMBLE

Asambleja e përgjithshme thirret nëpërmjet një njoftimi me shkresë ose në me postë elektronike në adresën që secili ortak ka përcaktuar në rregjistrin e ortakëve. Njoftimi duhet të përmbajë vendin, datën, orën e mbledhjes dhe rendin e ditës e t'u dërgohet të gjithë ortakëve, jo më vonë se 7 ditë përpara datës së parashikuar për mbledhjen e asamblesë.

Kur asambleja e përgjithshme nuk është thirrur si më sipër, ajo mund të marrë vendime të vlefshme vetëm nëse të gjithë ortakët janë dakord, për të marrë vendime, pavarësisht parregullsisë.

Në rastin e marrjes së vendimeve, që kërkojnë një shumicë të zakonshme, asambleja e përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 35 % të kuotave. Në rastin kur asambleja e përgjithshme duhet të vendosë për çështje, të cilat kërkojnë shumicë të kualifikuar, ajo mund të marrë vendime të vlefshme vetëm nëse ortakët që zotërojnë më shumë se gjysmën e numrit total të votave janë të pranishëm.

Nëse asambleja e përgjithshme nuk mund të mbledhet për shkak të mungesës së kuorumit të përmendur më sipër, asambleja mbledhet përsëri jo më vonë se 30 ditë, me të njëjtin rend dite. Asambleja e përgjithshme vendos me tri të katërtat e votave të ortakëve pjesmarrës (shumicë e kualifikuar), për ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë. Për çështjet e tjera të renditura në nenin 11 të këtij Statuti, asambleja e përgjithshme vendos me shumicën e votave të ortakëve pjesëmarrës.

Nëse janë mundësitë ortakët mund të marrin pjesë në Asamble edhe nëpërmjet mjeteve elektronike.

Të gjitha vendimet e Asamblesë regjistrohen në procesverbal i cili përmban datën e vendin e mbledhjes, rendin e ditës, emrin e kryetarit e të mbajtësit të procesverbalit, rezultatet e votimit.

ORGANI ADMINISTRATIV

NENI 14

Administrator i shoqërisë "KUTIA" SH.P.K. është Z. Arianit FAZLIU, i biri Xhemail dhe Xheva Fazliu, lindur në Gradicë më 03/mars/1988, karta identitet 1171285212, dhe banues në Prishtinë, K.e Diellit Rr.3 L.31/9, Kosove.

NENI 15

KOMPETENCAT

Asambleja e Përgjithshme emëron administratorin e shoqërisë. Afati i emërimit është 5 vjet, me të drejtë rizgjedhje.

Administratori ka këto kompetenca:

a) të kryejë të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga asambleja e përgjithshme;

b) të përfaqësojë shoqërinë tregtare;

c) të kujdeset për mbajtjen e saktë e të rregullt të dokumenteve dhe të librave kontabël të shoqërisë;

ç) të përgatiti dhe nënshkruajë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, t'i paraqesi këto dokumente përpara asamblesë së përgjithshme për miratim;

d) të krijojë një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë;

dh) të kryejë regjistrimet dhe dërgoj të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit;

e) të raportoj përpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;

ë) kryejnë detyra të tjera të përcaktuara në ligj.

f) është i detyruar të ruajë kofidencialitetin e të dhënave të shoqërisë edhe pas mbarimit të mandatit të veprimtarisë së tij.

Administratori është kompetent edhe për të:

- realizuar mbledhjen e asamblesë duke njoftuar ortakët me shkrim jo më vonë se 7 ditë më parë;
 - propozuar strukturën e aparatit të shoqërisë;
 - marrë në punë persona të ndryshëm dhe rregullimin e marrëdhënieve të punës me ta;
- Asambleja e përgjithshme mund të shkarkojë administratorin në çdo kohë me shumicë të zakonshme.

KREU V

PRISHJA E SHOQËRISË

NENI 16

Shoqëria "KUTIA" sh.p.k prishet:

a) me vendim të asamblesë së përgjithshme;

b) me hapjen e procedurave të falimentimit;

c) nëse nuk ka kryer veprimtari tregtare për dy vjet dhe nuk është njoftuar pezullimi i veprimtarisë në QKR;

ç) me vendim të gjykatës;

Me përjashtim të rasteve kur është nisur një procedurë falimentimi, prishja e shoqërisë sjell hapjen e procedurave të likuidimit. Gjate fazes së likuidimit emrit të shoqërisë i shtohet pjesa "Ne likuidim" që shenohet në të gjitha dokumentet që shoqëria nxjerr gjate kësaj periudhe. Likuiduesi i emruar nga Asambleja e Përgjithshme, kërkon çregjistrim të shoqërisë pranë QKR, pas shpërndarjes së aktiveve të mbetura të shoqërisë.

VITI FINANCIAR

NENI 17

Në përputhje me ligjin shoqëria do të ketë një regjister në të cilin mbahen balancet vjetore, raporte financiare vjetore dhe çdo kërkesë tjetër ligjore.

NENI 18

Viti financiar i shoqërisë fillon në 1 janar të çdo viti kalendari dhe përfundon në 31 dhjetor të po këtij viti me përjashtim të vitit të regjistrimit ku viti financiar fillon në datën e regjistrimit të shoqërisë dhe përfundon në 31 dhjetor.

DIVIDENTËT

NENI 19

Kur rezultati financiar i shoqërisë i pasqyruar në bilancet financiare është pozitiv, pas miratimit të bilancit vjetor dhe shpërndarjes së të ardhurave, Asambleja përcakton shumën që do të ndahet si dividende, bazuar në kuotat që zoteron çdo ortak.

PARASHIKIME PERFUNDIMTARE

NENI 20 NENSHKRIMI I KAPITALIT TE ORTAKËVE

Kapitali i ortakëve nenshkruhet dhe ekzekutohet ne perputhje me kuotat respektive te ortakëve te shoqerise si me poshte:

Emri	Perqindja %	Kuota (pjesë)	Shuma e kapitalit
Arianit Fazliu	50 %	1	50,000
Faton Selishta	50 %	1	50,000

NENI 21

Shoqëria konsiderohet e krijuar në përputhje me nenet e këtij statuti, dhe aktit bashkëlidhur dhe fiton personalitetin juridik me regjistrimin ne Qendrën Kombëtare të Regjistrimit. Shoqëria ka vullen e vete ne te cilen shkruhet emri i shoqerise sic e prashikon ligji. Per ato qe nuk jane parashikuar ne kete statut zbatohen dispozitat e ligjit.

Statuti eshte hartuar ne 3 (tre) kopje origjinale me te njejten fuqi ligjore.

ORTAKET

1 Arianit Fazliu

2 Faton Selishta



Tirane me, 18.1.2021